

淳化縣志

殿志 438

地 172.69

34.2

21-4

陳

西

續印淳化縣志序

民國紀元之九年余來長淳化在任期年維時戎馬倥傯諸未遑舉二十二年春再蒞斯邑去向時僅歲星一紀而人事風物迥異曩昔詢其變遷之故父老耆舊尙有能道其所以然由是遞演物換星移老成彫謝後之來者其將何以爲文獻之徵考耶是則縣志之所繫大矣哉雖然志者史之類也紀往事以昭來茲備觀感而資勸懲非擅學識才三長者不能辦尤非物阜民康不遑辦淳邑僻在山陬頻年災荒民力凋敝甚於他邑官斯土者方勞徠安集休養生息之不暇曷遑謀及修志而急其所可緩者耶乃省垣開館纂修通志分徵各縣志書用備參考

淳化縣志

序

西安克興印書館印

中央且編製各項統計又紛函索取省縣志乘冀明瞭地方實況而邑人士亦欲各守一編藉便觀覽往年溫前任所印已無存餘以資應付於是續印縣志之議起幸今歲雨暘時若百穀用成爰商諸紳耆仿照前例集資續印以廣流傳亦告朔餼羊之意也一切記載悉仍舊貫但將溫製戶口田賦兩表就現在之實數與折合之準則略事變通而修改之蓋一係民生一關國計焉甫閱兩載卽非舊規噫可以觀世變矣因書其顛末弁諸卷首時

中華民國二十三年八月淳化縣縣長臨潼郭宇晴撰

重印淳化縣志序

淳化之有志昉於明正德間聞僅有鈔本隆慶時已失存邑先達中丞羅公廷繡及其弟太守公廷紳始復創修鐫版都八卷時在隆慶四年四月後百三十餘年至康熙四十年辛巳知縣事長洲進士張如錦倬庵奉其太翁循齋先生命重修之迨乾隆四十八年癸卯距康熙辛巳又經八十餘載鎮洋畢秋帆中丞屬常州洪孝廉稚存再爲纂次時知縣事者爲南昌萬廷樹澄塾襄其役成志凡十又八卷卽今抱殘守缺所奉爲底本者是也嗚呼計自乾隆癸卯之明年起至民國十九年止更閱春秋一百四十有七地方官紳非無意於續修此志者然或有志淳化縣志

序

一 西安克興印書館代印

未逮或因故中輟迄未實見良用慨然客冬余承乏斯邑卽事搜求僅得兩半部殘編斷簡剝蝕不全而舊存鐫版亦散佚殆盡遂急謀重修顧大亂甫平天祲未已救生恤死他顧未遑適國府省府令徵縣志不能不力圖報命乃于案牘餘暇彌補校勘湊成完璧並增製最新淳化縣全圖暨劃編區鄉鎮間鄰清查戶口田賦現狀等表勉籌款項先付排印二百部非徒應徵求之命亦藉保百餘年前一邑之文獻也至其重續則請俟諸後之君子

中華民國二十年五月署理淳化縣縣長韓城溫偉君偉序

淳化縣住戶戶口統計表

淳化縣縣長郭宇晴監製

區別	聯保數	保數	甲數	戶數	現住人數	不識字無職業人數	老弱人數	壯年男子數	備考
第一區	六	二八	二八	三〇六	男 七二八 女 六三六	六三六	六三六	三三三	四〇五
第二區	六	三一	二七	二七八	男 七〇二 女 六〇七	五七一〇	九	二八六五	四一五
第三區	六	三四	三八	三三三	男 九八六 女 八六一	七五四九	六	三九六七	五八二
共計	一八	九三	八三	八九五	男 二四五六 女 二〇九七	一九八〇	一八	一〇三四	一四〇二

中華民國二十三年

月

日

淳化縣特戶戶口統計表

淳化縣縣長郭宇晴監製

區別	戶別	戶數	現住人數	不識字無職業人數	老弱人數	壯年男子數	備考
第一區	船戶 寺廟 公共處所	二 二 八	六 七 三六	三 三 三	四 二 二六	二 五 二四〇	
第二區	船戶 寺廟 公共處所	二 二 二	七 九 一五	三 三 三	二 二 一九	五 五 五〇	
第三區	船戶 寺廟 公共處所	二 二 二	四 三 三	三 三 三	六 六 六	三 八 三八	
共計	船戶 寺廟 公共處所	四 四 二二	一三 一三 一七九	八 三 九	六 三 五一	七 七 三六	
附記							

中華民國二十二年

月

日

淳化縣田賦現狀一覽表

民國二十三年九月

淳化縣縣長郭宇晴監製

款目	每石折合洋	全年額征	荒地免征	實應征	備考
地丁	三五五三七	三五五〇二	六六五・八二	二二七・二〇四	按舊則每土糧一石折征銀一兩三錢一分五厘一毫按新折合洋一元五角四分五厘三毫七絲
鹽課	〇・七二八	二七・六五五	二〇・五五五	一〇・七・二二〇	每土糧石折征銀六分五厘按新折合洋角七分五厘
合計	三六六・一七	四三・三六五	七七六・六五	三三九・三二四	
馬廠	每畝征洋二分八厘			一〇五・五〇一	

(注意)(右表以元為單位)

附六里土糧數目表(本表以石為單位)

里別	南陽里	永齊里	懷德里	安土里	集義里	向化里	合計
土糧數	二三・七八三	一〇・四九元	一五・九六四	一〇・六九三	三三・六七八	二七・九六五	六六・四三八一九四

淳化縣民國二十三年分經徵畜屠斗牙契印花各稅一覽表 二十三年九月

稅收名稱	全年額征數	經徵情形備考
畜屠斗牙稅捐	五十七百二十元 (本年色額)	畜稅係照買畜牲價洋每元抽稅洋五分 屠稅係對於宰豬一口抽稅洋四角宰羊一隻抽稅洋三角 斗捐係對於食糧買賣每斗抽稅洋四厘
牙帖稅	三 百 元	全縣各行承領六等牙帖共十五張全年抽稅洋二十元 按上下季分征
契 稅	一 千 元	契稅收數本無一定約計如上數
印花稅	一千二百元	係奉令每月須推銷票面洋一百元
以上合計	八千二百二十元	

淳化縣志序

淳化爲今陝西下縣於漢則三輔名邑也司馬遷班固皆云黃帝萬靈明庭在焉漢王褒有雲陽宮記揚雄有甘泉宮賦世所豔稱爲淵雲詞賦者均萃於此縣其爲靈勝何如哉至宋而宋敏求長安記程大昌雍勝略搜采廣博尙校有明所脩縣志爲詳余自壬辰歲開府西安於關中州縣之志皆次第脩舉獨淳化以僻在衆山中民俗凋敝不欲有所創造以動衆然前以公事至縣覽其山川訪其基址未嘗不致意久之歲壬寅邠州及所屬三縣有重修志乘之請適常州洪孝廉稚存來客西安余因以屬之孝廉精於史學所脩州縣志皆一以史例編之志成凡十八卷余又以十年來所聞見而欲訂定者爲增益十數條於是此書之成其詳核可繼長安志雍勝略二書非世所傳明康海武功志韓邦靖朝邑志等所可比矣知縣萬令廷樹宰是八年亦能以儒學節吏治者且其挑纂搜輯於是志之成實有力焉例所得附書也乾隆四十八年歲在癸卯夏五月

賜進士及第兵部侍郎都察院副都御史巡撫陝西西安等處地方贊理軍務兼理糧餉鎮洋畢沅撰

新修淳化縣志序

志以傳信非以傳疑邑志與國史體微異而用則一也粵稽淳邑於漢爲三輔名區歷唐宋元明則有上中下之別至國朝而復爲中縣其戶口之多寡蓋自秦徙雲陽五萬家以後盛於漢滅於隋唐又滅於宋元迄明季而戶口之存視漢十不及四迨我

國家涵養休息百有餘年而民之逃亡戶之廢敗者始稍稍軼有明而復宋元之舊較隋唐則尙減焉此今昔盛衰之異致也然靈蹟勝概尙克弁冕關中故言其神則明庭秦時之所在也語其異則休屠徑路之所祠也其山陵則有秦皇漢武

淳化縣志

序

一 西安克興印書館代印

之築宮焉其川渠則有白公鄭國之遺績焉王褒頌之於前子雲賦之於後於是而偏隅一邑荒陬遙遠之鄉稽山川志靈異者卓然與長安諸縣競勝則志斯邑者實不容緩焉舊志成於康熙辛巳長州張君之手分門別類條理井然較勝於關中諸州縣志惟病其徵引舊聞不著所出又或採自流傳不合之於紀載以相印證是則斯志之微有未善也歲在壬寅上距康熙辛巳又閱八十餘載中間之遞傳遞增所應編輯者復若干軸適常州洪孝廉稚存客關中余商於州守延修是邑新志共襄其事越五月而志成凡十八卷爲記八爲簿二爲志五爲略三於古今沿革山川形勝以迄道

里遠近祠廟興廢數十年來之忠孝節義幽人烈女廣搜博
採詳加考核未敢云盡善也然視舊志稍過之書將付梓洪
孝廉曰序而行之是守土者之事也夫余以樗櫟散材黽勉
効職八年於茲矣余雖不敏退食之暇嘗纂其大要寄之篇
章以志八年中與民相安無事之樂今得襄是書之成而爲
之序庸非守土者之厚願乎抑余又有望於後之官斯土者
稽丁戶之登降則思培養之宜先觀勝蹟之傳流則思修舉
之難緩念人物之遞盛則思表彰之靡遺俾是書之所載者
皆形之實事而不托於空言則又序是書者之志也夫時

乾隆四十八年癸卯夏五月

淳化縣志

序

二 西安克興印書館代印

敕授文林郎知淳化縣事南昌萬廷樹澄塾譔

淳化縣志舊序一

從來官一方者必察一方之風俗與夫山川形勢城郭宮室土田物產以及古今孝子忠臣節婦文人武士莫不筆之於書載之於記蓋非以傳疑而要以傳信也淳邑古稱雲陽宋曰淳化原隸鳳翔明初改隸西安舊有縣志鋟本行世自

國朝戡定以前兵燹蹂躪版牘散佚前後編次訛錯者歷有年所姑蘇張令來宰茲土爲政優游於民不擾且有志於古起而修之於是延諸生之有學行者分條給札詢謀僉同閱五月而工告竣書成請序於余余曰志與史雖有大小不同然其理則無異凡志之所載在乎考核詳明所以勵人心厚風淳化縣志

舊序

一 西安克興印書館代印

俗也故貴有作志之才作志之學而尤貴有作志之實張令爲此殆將以鼓舞民人興起其爲善去惡之心固信以傳信豈疑以傳疑耶余恭膺

簡命由觀察歷藩伯晉開府五載以來凡秦中官吏之賢否人物之淑慝常往來胸臆間今張令果能以作志之心推之化民成俗將見淳之士皆秉禮度義淳之里皆長幼和孝慈于家而淳之婚嫁飲食皆返淳還樸幾有豐鎬之遺風長享樂利以共游於

聖天子太平之盛世斯志也其裨益於世道人心者詎不偉哉是爲序

康熙四十一年歲次壬午春王正月上元日

巡撫陝西等處地方贊理軍務兼理糧餉都察院右副都御史加四級又加軍功五級紀錄十一次鄂海題於青門官廨舊序二

邑之有志與國之有史體微異其所以興利除害勸善懲惡爲用則一也漢孫張公宰淳化奉侍循齋先生於署蓋孝子之志爲民父母之道也循齋先生博綜經史爲吳中冠而宅心制行慈且儉有合於古之聖賢漢孫公奉訓爲政廉明仁恕聲溢鄰封老夫越在華山之下固習聞之夫淳化古雲陽之墟是程邈之所作小篆者也然地瘠民貧近代以來屢逢

淳化縣志

舊序

二 西安克興印書館代印

兵燹兼值旱荒偷薄日甚而禮樂文章之治賴二三君子維持不墜顧志書散佚無爲理也久矣循齋先生於學道之餘日事編摩延攬俊髦搜訪遺失斷者續之缺者補之於山川向背風俗得失錢穀戶口之豐歉人才物產之盛衰亦既犁然而於古今詩文采輯辨別益復斐然昔濟西志武功藝林稱善然爲未完之業不無餘憾今得淳化一償之可以質之而無媿也已憶與定交慈仁邸中忽三十餘年間過吳門得見漢孫公自少及壯夙有家學今以豈弟之德撫凋劫之區捐俸梓本不以徵民而田疇殖置子弟教誨庶幾有漁陽爲政樂不可支之頌焉行以治行膺不次之擢爲

天子侍從臣遠猷計謨可以泐鐘鼎而被管絃區區邑志特其
一班老夫雖耄尙願扶杖以觀其盛也康熙辛巳中秋華陰
八十老民王宏撰序

舊序三

雍州古稱神臯奧區水深土厚形勝甲於天下

皇朝奠定以來凡山川土俗具載陝西通志淳化西北一小邑
也而山靈鬱結流爲甘泉自漢訖今夙著名勝在昔宋太宗
再改元淳化以立邑命名夫以藁爾郊原而聞其名思履其
地比諸里稱勝母水號貪泉其人民謠俗由來殆必有異康
熙己卯冬余捧檄受任念幽風邠雨之遺猶使人咏歌而想

淳化縣志

舊序

三 西安克興印書館代印

見之也因取舊志先爲檢閱志創於明隆慶四年不特棗梨
殘缺點畫漫漶而其後百三十餘年之文獻俱湮沒莫考不
禁掩卷太息志者所以廣通志所未詳而爲一邑記載之典
歷久漸忘後將奚賴焉時奉家君定省署中越數月餘錢穀
不繁簿書恆簡退食之暇猶得與翰墨爲伍家君生平留心
著述因命進邑中諸士大夫暨耆老輩告以志書久闕宜補
尙共加意僉謂某等矚望已久敢不各就所見聞以襄盛舉
於是或以遺篇惠教或以片楮紛投以至潛踪幽跡撫拾靡
遺斷碣殘碑慘綠殆徧大抵歲月雖遙而都記未泯恍然百
三十餘年之流風軼事皆在耳目間而余初未敢率略也傳

云信以傳信疑以傳疑又云所見異辭所聞異辭所傳聞異辭以今證昔世遠風微苟涉頗類奚尙編纂迺侍家君晨夕校讐汰其煩蕪辨其舛謬事必綜括顛末文必研晰字句羅中丞舊本具在因得增輯成集殫今日之鉛槧供將來之筆削邑雖褊小庶幾繫轅拊缶藉以少留文獻云爾惟是采風辨物山谷險瘠濫膺民社深懼隕越勉思仰酬當宁寵畀之一命克副

制府

中丞 方伯 臬憲 道 郡各上臺告誡周詳培植優渥之盛心流覽志乘吏治彰彰高山仰止之懷方且望甘泉而

淳化縣志

舊序

四 西安山興印書館代印

不勝嚮往家君進命曰邑以誌重尙無忘人以志傳也夫謹拜受厥訓而錄諸簡端康熙四十年夏四月上浣之吉賜進士出身知淳化縣事長州張如錦倬庵譔

舊序四

淳化京兆之瘠邑也入谷口盤陀石留四十里施剏環結依麓成城北望原野屋廬如晨星炊煙數縷大抵倚邱壑爲穴居每念軒皇合宮肆觀天下固多形勝何獨取此莽賈窈窕之鄉爲羣后所觀瞻也况秦皇漢武喜功好大周原陸海何地不可以行幸顧置茲璇題雲縑至今載在圖記皆深宵瑩确間意者滄桑屢變陵谷頓遷世固有再過而邱墟者矧千

百年乎翠華拂雲青嶂迎輦之日卽民間雞籬犬當不若是之落寞可知余閒從耆舊聽話當全盛時城市托處者徧內外望族高華垓北其間賈區儲胥裨販阜通力穡者衆饒隔無土滿之患較之繡壤花封雖豐歉有間頗堪臥理焉迨崔苻伏莽加賦筴困窮慘年蕩然物力遂致大屈加以旱蝗沴厲輕去其鄉民之能自存者蓋寡迫我

國家休養生息數十年而猶未臻其盛識者以爲拊綏安集端惟良有司是賴歲在己卯月當陽復正霽發祁寒之候而倬庵張公以江左人才調任檄至之日邑之人如望歲焉如望慈父母焉而公果適愜所望也清操廉節本於至性綰符

淳化縣志

舊序

五 西安府知府印書館代印

甫歲餘善政不可枚舉要以裁浮濫崇儉樸省徭役息詞訟至於訓課後進賞奇析疑嘉惠單寒解衣推食無論已未列宮牆者莫不欲歌欲泣而且功之重於垣墉者雖積廢必興利之便於津梁者卽艱鉅克任殆駸駸乎各有成緒而益信其能愜所望也太翁循齋先生文學宗工夙負藝林月旦海內至今傳誦介石堂書不置公以家學淵源早歲成進士奉先生起居養志凡所措施皆稟承恐後於是先生出其著述之餘力肆考旁羅采及葑菲欲以補淳化之闕略因命公曰志所以佐吏治屬要務不可緩茲邑自羅中丞載筆後鮮繼之者歲月遞遷缺略實多身在地方可勿勉勉從事公唯唯

受意旨余間得過從每羨宰有懸魚門堪羅雀菽水之餘頗
極翰墨之樂當其呵凍含毫焚膏繼晷不數月纂述告竣將
竭力付梓乃不鄙固陋命爲序余自惟樗櫟散材伊吾二十
年嗜懶藏拙跼蹐斗食所謂紅蠶緣於枯桑其繭不黃者與
顧妄度君子之心無亦憫其窘窶佗際而欲挈諸丹鉛之末
也公蓋仁人也令子也賢父母也異日治行

上聞膚寸之雲不踰時霖雨天下古人云三立公直以一身兼
之而以淳化爲之兆志雖一節紹往開來厥功偉焉余幸際
其成而僭述大要如此時

康熙辛巳夏五月朔署淳化縣教諭古陳寶李一鵬伯翔拜

淳化縣志

舊序

六 西安克興印書局代印

撰

舊序五

淳化故無志嘉靖庚戌邠州志成載縣事紀大略也頃縣令
閻伯度湯文東欲創縣志以余屬草稿焉余辭未遑也二人
者留贖金以去隆慶庚午春泰和童公復之視篆政先風化
建名宦鄉賢二祠乃屬二三子而告之曰二祠立風化彰矣
無志焉後將何傳速余前稿顧余年耆舊學荒落文辭不修
不足以彰往蹟宣人文也余甚懼焉且舊無志可據縣未建
時雲陽三原錯置甘泉郊天之墟帝王警蹕頻紛載籍難出
漫無統紀乃蒐羅校正得諸故牘及今耳目昭著者彙集成

卷八帙覈實紀事不以野傳疑訛者參之亦欲以傳信將來也至其損益訂定則俟後之作者焉隆慶四年四月穀旦羅廷繡志

舊序六

淳化志成以後敘屬余余以志與史相表裏者也郡縣志亦史氏遺旨君子觀民風而思志之不可以已也然纂次所及微聞交用管觚始操袞鉞由分其封域沿革山川形勝城郭宮室之制土田物產之良可按圖而舉至別師尹淑惹議論人才短長錯綜古今民物事變酌忠臣孝子幽人烈女名狀非先懸鑑於心卽無以昭勸戒勵風俗公是非未得爲信史

淳化縣志

舊序

七 西安克興印書館代印

是故賤砭砭貴琮璜狗本實而略芳華君子曰知言謂其尙實也余嘗與中丞兄躡甘泉矚涇渭風通靈之臺矚石門之巔吾邑雖世有變更要卽黃帝祀天舊墟野踪餘響恍若目覩尋摩芳徑窮勝跡徘徊林光諸宮故址間又得秦皇漢武避暑遺事俛視四圍山環水遶鼉伏鳳舉亦都城西北一奧區也顧自國初迄今無志正德中有鈔本如馬丹陽安禪師諸不經事類皆贅書典章文物法可紀載者反遺焉余少時猶見之今並鈔本不存是以正統以前及異代名賢勝蹟湮沒無聞間有載諸羣書傳諸故父老者才什一耳一日觀先聖廟八行八刑碑陰得宋金諸名及廟學廢興所由歎曰使

數子者非鐫諸石或石毀於故元間姓名又湮沒矣後視今猶今視昔志可終缺乎客歲己巳楚人湯君尹茲土請修於中丞兄未成而歸藩司僚童君繼來署邑尤銳意此典力贊之中丞兄遂與二三諸生按圖定方分門別類不虛譽不隱惡得於見聞之真者一善必錄事雖有據無關風教者不取書成咸謂簡而精核而不刻間有未盡者足以已意甘泉有考銅人玉水有說石鼓西原昭儀法從有辯其詞愨其意詳得志體矣余聞往者來之鑒也志以識往亦以勗來繼今官師考政可以別淑慝士民鑒德可以定榮辱觀風采旨可以昭勸戒志其有益於邑乎謹敘邑人羅廷紳公書撰

淳化縣志

舊序

八

西安克勤印書館代印

重纂凡例

通志頒行諸郡縣皆得考證但通志爲全省載記於屬縣土俗事蹟例皆從略若縣志則務求詳今廣諮博采凡沿襲已往有與通志不符者悉編加核註不敢保殘守缺貽誤來世羅中丞舊本稱淳化故無志乃其中亦有按舊志者意卽原序所云正德間鈔本並不存也創始者難爲功苟非中丞伯仲自宋訖明中葉久已磨滅無傳今版刻雖殘卷帙未散固當永爲一鄉故典宋常山公長安志偶附奚囊幸供涉獵雖所載祇漢唐三輔制度其分敘雲陽及涇水源流利弊亦得折衷什一因今長安志已單行所引證皆加舊字以別惜圖

會通考諸書未及攜至荒區如枯肆徒抱一紙之願補亡駭
謬投筆悵然

舊志云甘泉在先設縣在後特哀次甘泉歷年表具見前輩
經營苦心匪僅以博綜標勝今仍錄置卷首爲方域便覽其
雜辨數條則於藝文中節取存之攬者勿嫌踵事增華猶有
遺美

水利涇陽爲著固矣乃考本縣仲山爲鄭國鑿渠處其南洪
堰卽白公渠發源所記溝洫大率涇陽支流自宋以前總屬
雲陽也要之鄭白渠在淳化雖不比河之岷崙記云或源也
或委也此之謂務本識者不可不辨

淳化縣志

舊序

九 西安克興印書館代印

俗稱梨園因唐開元天寶中於京城梨園置教坊習法曲有
梨園弟子名目若此地之爲梨園雲陽宮記云武帝所築有
樹數百株青葱如蓋因以名鎮後唐時又嘗名寨余恐耳食
者誤謂縣治卽教坊地特辨著之俾知漢唐異世基址懸絕
山靈有知必以鄙言爲不誣

三水故屬本界涇陽亦聯壤二邑志鋟板未久取資參訂良
有裨益所惜邠州志附淳化猶仍明嘉靖時撫集稍經點竄
以是慶歷啓正間職官選舉曾屢布告莫有詳其姓氏者掛
漏之譏方竊自愧諸志如康太史武功王司馬三原皆以鄉
士大夫采集論斷手筆蔚然本邑中丞公亦其亞也余江左